



Lars Poulsen
Inatsisartunut ilaasortaq, Siumut

Ilisimatusarfimmi digitalimik inatsisilerinermik kandidatinngorniartarnermut tunngatillugu – § 37 naapertorlugu apeqqummut nr. 128/2026-mut akissut

22-07-2026
Suliap normua 2026 - 3567
All. nr. 26670351

Asasara Lars Poulsen,

Inatsisartut suleriaasiat naapertorlugu apeqqutitut saqqummiussanut qujanaq. Apeqqutit tullinnguuttuni akissuteqarfigissavakka.

Ilisimatusarfik nammineerluni ilinniarnermut aaqqissuussanik suliaqartoqarlunilu akuersissuteqartoqartarpoq, taamaammat § 37 naapertorlugu apeqqutitut ilisimatusarfimmit akissutissanik pissarsiniartoqarsimavoq.

Tassunga peqatigitillugu ilisimatitsissutigineqassaaq, ilinniarnermut aaqqissuussaq apeqqummut attuumassuteqartoq uani nassaarineqarsinnaammat:
<https://da.uni.gl/media/uwjimuk2h/kandidatuddannelse-jura-2024-med-justeringer.pdf>

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Apeqqut 1: Naalakkersuisut nassuiaateqarsinnaappat, ilisimatusarfimmi inatsisilerinermik kandidatinngorniarnermi 2. semesteri ilinniartut siulliit eqqarsaatigalugit qanoq aaqqissuunneqarsimanersoq?

Akissut: Kandidatinngorniarnermi 2. semesteri ilinniarnermut aaqqissuussami imm. 3.2 aamma imm. 7 naapertorlugit nunat allamiut (aamma danskit) universitetianni semesteritut aaqqissuussaavoq, tassa inatsisilerituutut kandidatinngorniarnermi 30 ECTS-imut assingusuvoq. Ilinniartut namminneerlutik ilinniakkap aaqqissuussaananerani atugassarititaasut iluini ilinniagassatik ataqatigiissaartarpaat, aamma malittarisassat atuuttut malilugit ilinniagassanut uppersaasatit akuersissutigineqartarput.

Apeqqut 2: Naalakkersuisut ilisimatitsisinnaappat, inatsisilerinermik kandidatinngorniarnermi ilinniartut suli periarfissaqarnersut Danmarkimi imaluunniit nunani allani universitetimi digitalimik 2. semesterimik naammassinnissinnaanermut?

Akissut: Aap. Ilinniarnermut aaqqissuussap imm. 7-iani allassimavoq, pissutsit immikkut ittut atuutsillugit, tassunga ilanngullugu ilaqutariinni pissutsit pissutaatillugit nunami allamiilluni ilinniagaqannginnissamut immikkut akuersissuteqartoqarsinnaasoq, assersuutigalugu ilinniagaqartoq nunap allap universitetiani ungasissumit ilinniagaqarluni ilinniakkaminik naammassinnissinnaanngorlugu.

Apeqqut 3: Naalakkersuisut nassuiaateqarsinnaappat, sooq paasissutissiissutigineqartut naapertorlugit 2. semesterip digitalimik

naammassineqarsinnaaneranut

periarfissaq

siornatigutut

neqeroorutigineqartarunnaarsimanersoq?

Akissut: Ilinniarnermut aaqqissuussami atuuttumi imm. 7 nunap allap universitetiani ungasianit ilinniarnermi ilinniakkamik naammassinninnissamut immikkut akuerineqarnissamut periarfissanik sulii imaqqarpoq. Tassunga tunngatillugu ilinniarnermut aaqqissuussaq allanngortinneqarnikuunngilaq.

Apeqquut 4: *Naalakkersuisut ilisimatitsisinnaappat, Danmarkimi imaluunniit nunani allani universitetimi digitalimik semesterimik ingerlatsineq Kalaallit Nunaata avataani ilinniagaqarnermiinnerup piumasaqaataanik naammassinninnertut atorneqarsinnaanersoq?*

Akissut: Aap. Ilinniarnermut aaqqissuussami imm. 7 naapertorlugu nunap allap universitetiani ungasissumit ilinniarnermi ilinniakkamik naammassinninnissamut immikkut akuersissuteqartoqarsinnaavoq. Ilinniakkat inatsisilerinermik kandidatinngorniarniarsapput imm. 8-milu malittarisassat malillugit ilinniagassanut uppersaasatit akuersissutigineqassallutik.

Apeqquut 5: *Naalakkersuisut ilisimatitsisinnaappat, inatsisilerinermik kandidatinngorniarnermi ilinniartut sunik periarfissaqarnersut, sulineq, meerartaqarneq, ineqarneq imaluunniit ilaqutariinnermut tunngasut pissutigalugit Kalaallit Nunaata avataani timikkut najugaqarnissaq pisinnaanngippassuk?*

Akissut: Ilinniagaqartut nunami allami ilinniarnermi ingerlatsisinnaanngitsut, immikkut ittumik akuersineqarnissamut qinnuteqarsinnaapput. Ilinniarnermut aaqqissuussami imm. 7 naapertorlugu, pissutsit immikkut ittut atuutsillugit, tassunga ilanngullugu ilaqutariinni pissutsit pissutaatillugit nunami allamiilluni ilinniagaqannginnissamut immikkut akuersissuteqartoqarsinnaasoq, assersuutigalugu ilinniagaqartoq nunap allap universitetiani ungasissumit ilinniagaqarluni ilinniakkaminik naammassinnissinnaanngorlugu.

Apeqquut 6: *Naalakkersuisut suliniuteqassappat inatsisilerinermik kandidatinngorniarnermi siunissami digitalimik semesterimiinneq eqaannerusumik aaqqissuussinertut ilaatinneqarsinnaanersoq qulaajassallugu?*

Akissut: Ilinniarnermut aaqqissuussaq atuuttoq nunap allap universitetiani ungasissumit ilinniagaqarnissamut immikkut akuersissuteqarnikkut aaqqiissutissamik eqaannerusumik periarfissaareerpoq, tak. imm. 7.

Inussiarnersumik inuulluaqqusillunga



Nivi Olsen